

Protocol da la sezzüda dal Cussagl cumünal da lündeschdi, 6 avrigl 2009, a las 19.30, acta 13

Preschaints:

Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt

Lic. iur. Duri Pally, Cumischiun da fabrica, Johann Tschalär,
Jon Curdin Felix, manader tecnic (1. tractanda)

Patrizia Wieser (protocol)

Tractandas:

102. Planisaziun cumünala

Il capo salüda a tuot ils preschaints e surdà il pled al jurist incumbensà culla planisaziun cumünala, sar Duri Pally. Sar Pally spiega detagliadamaing il plan directiv chantunal "abitaziuns secundarias ed allogis turistics".

El muossa via süls böts, sülla realisaziun da la planisaziun e sül concept in general.

Ils böts d'ün plan directiv chantunal sun ils seguants:

- Il svilup da l'economia turistica vain rinforzà, però eir survaglià e chanalisà in üna direcziun giavüschada.
- Il profit vegn trat a nüz e scumparti plü bain.
- Megldra sporta per prümas abitaziuns favuraivlas.

Sar Pally spiega ils puncts positivs ed eir ils puncts negativs chi'd es da resguardar pro l'integraziun da la tematica 1. e 2. abitaziuns illa planisaziun. I vain discuttà in detagl che tschernas cha'l cumün ha a man da las sportas cha'l chantun metta a disposiziun (valisch d'üsaglias). Ün per puncts vegnan resguardats sco fich buns ed oters darcheu sco main buns. A la fin preschainta sar Pally üna proposta pussibla pel cumün da Sent. Davo lungas spiegaziuns e discussiuns decida il Cussagl cumünal da sclerir il proceder cul Chantun.

Planisaziun
cumünala

103. Protocol

Il Cussagl cumünal approva il protocol da la sezzüda dals 30 marz 2009, acta 12.

Protocol

104. Orientaziuns

1. Maisa raduonda da las Pendicularas, als 14 avrigl la 16.00 – 18.00 sülla Motta

Il capo piglia part a la maisa raduonda da las Pendicularas Motta Naluns SA.

Orientaziuns

105. Credit da fr. 14'000.-- protecziun cunter lavina Sinestra

Il Cussagl cumünal fa bun ün credit da fr. 14'000.-- pel prestüdi d'ün cuntschet per la protecziun cunter la lavina in Sinestra.

Credit fr. 14'000 prestüdi
cuntschet protecziun
cunter lavina Sinestra

106. Dumondas da fabrica

Il schef da fabrica orientescha cha l'interressent da la parcella da Pozzet, sar Sperone as retira da cumprar terrain oura Pozzet. Il lö nu til satisfä. El ha decis da tscherchar inavant. Sar Sperone ingrazcha fich al Cussagl cumünal per las fadias.

Dumondas da fabrica

107. Diversas chefs

1. Tablina “energia regenerabla”

La società “Verein Energie” fa la dumonda scha'l cumün montess üna tablina cul text “energia regenerabla” gio pro la chasina da la turbina. Ils cuosts per quella tabla gnissan fr. 500.--. Il Cussagl cumünal decida da nu far quai, causa cha in quel lö füss quella tabla bler massa zoppada e nun accumpliss il scopo.

Tablina “energia
regenerabla”

2. Decisiun cumischiun turistica

Il president da la cumischiun turistica declera, ch'el haja scleri cullas persunas a regard la commembranza illa cumischiun turistica. La cumischiun veglia vegn sco previss scholta ed il Cussagl cumüunal elegia üna nouva cumischiun sco segua:

- Georg Salomon (schef turistic e president da la cumischiun)
- Dora Erny (hotellaria)
- Carolin Pua (parahotellaria)
- Gian Andri Albertini (cultura)
- Wolfgang Bosshardt (fracziuns)
- Andri Guler (Sent Turissem)

3. Scumpart dals cuosts per la classa pitschna integrada

Cusglier Marianne Werro manzuna cha'l scumpart dals cuosts per l'on 2008 per la classa pitschna integrada saja fat. La part chi pertocca a Sent importa fr. 71'000.--.

4. Cità d'energia

Per far las lavurs preparatoricas ed il accumpognamaint illa fasa d'introducziun per survgnir il label "Cità d'energia", es avantman l'offerta da la firma incumbensada da la società portadra (Trägerverein) per quellas lavurs:

Cuosts totals fr. 22'000

Società portadra fr. 6'000

Chantun fr. 5'000

Cumün fr. 11'000

L'import vain pajà in 2 etappas in 2 ons causa cha eir il proget vain parti aint in 2 fasas (A + B). Davo la fasa A esa dat la pussibiltà dad analisar la chose e tuot tenor finir gio il proget.

108. Varia

Varia

1. Sezzüda Pro Engiadina Bassa

A la sezzüda da la PEB piglia part il capo. I vain manzunà, cha'l capo lessa amo üna jada intunar cha'l cumün giavüscha ün bëudget per la Canorta sainza deficit pels cumüns.

Fin da la sezzüda: 22.30

Per l'actuar: